



দোমোহনিত
দুঃস্বপ্ন


সাতের পাতায়

উত্তরবঙ্গের আত্মার আত্মীয়

উত্তরবঙ্গ সংবাদ

২৯ পৌষ ১৪২৮ শুক্রবার ৪.০০ টাকা 14 January 2022 Friday 12 Pages Rs. 4.00 ইন্টারনেট সংস্করণ http://www.uttarbongsambad.in APD

ঋষভের
শতরান,
ভারতকে ম্যাচে
ফেরালেন
বুমরাহ



এগারের পাতায়

ভয়াবহ ট্রেন দুর্ঘটনায় মৃত ৭

বিকানের থেকে গুয়াহাটি যাচ্ছিল

১৫৬৩৩ আপ গুয়াহাটি-বিকানের এক্সপ্রেস

দুর্ঘটনাস্থল নিউ দোমোহনি ও নিউ ময়নাগুড়ি স্টেশনের মাঝখানে দারিভিজা এলাকায়



উত্তরবঙ্গে অতীতে বড় রেল দুর্ঘটনা

কিশনগঞ্জের কাছে গাইসালে মুখোমুখি সংঘর্ষ হয় ব্রহ্মপুত্র মেল ও অবধ-আসাম এক্সপ্রেসের। ১৯৯৯ সালের ২ অগাস্ট। প্রায় ২৯০ জন মারা যান।

জখম যাত্রীদের জলটুকুও দিতে পারিনি

কৃষ্ণ দাস
প্রত্যক্ষদর্শী, উত্তর মৌয়ামারি

সিনেমা, টিভিতে হয়তো এমন দৃশ্য দেখা যায়। কিন্তু চোখের সামনে যে কোনওদিন এই ঘটনা দেখতে হবে তা স্বপ্নেও ভাবিনি। বাজার করার জন্য প্রতিদিনের মতো এদিন বিকেলেও বাড়ি থেকে বেরিয়েছিলাম। ময়নাগুড়ি ওভারব্রিজের কিছুটা আগে বিকট একটা শব্দ শুনতে পাই। রেললাইনের দিকে চোখ গেলে একটি ট্রেনকে উলটে পড়ে যেতে দেখি। কিছুক্ষণের জন্য মেন সর্ঘর্ষে ছিল না। সর্ঘর্ষে ফিরতে ট্রেনটির সামনের দিকে এগিয়ে যেতে থাকি।



দারিভিজার দুর্ঘটনাস্থল। বৃহস্পতিবার গুয়াহাটি-বিকানের এক্সপ্রেস লাইনচ্যুত হওয়ার পর। ছবি : শুভদীপ শর্মা

ডায়ালিসিস?
রাত বিরাতে আর নয়
এখন দিনের দিনেই বাড়ি

DESUN HOSPITAL SILIGURI
90 5171 5171

ততক্ষণে উলটে যাওয়া ট্রেনের বিভিন্ন বগি থেকে একের পর এক যাত্রী লাফ দিয়ে বাইরে নামার চেষ্টা চালাচ্ছেন। কিন্তু কী করব কিছুই মাথায় আসছিল না। গ্রামবাসীদের একাংশও ঘটনাস্থলের দিকে এগিয়ে আসতে শুরু করেছে। ট্রেনের ইলেক্ট্রিক লাইন ছিঁড়ে যাওয়ায় প্রথমে সামনের দিকে এগোতে বেশ ভয়ই লাগছিল। তবে শেষপর্যন্ত ভয়ডর কাটিয়ে সবাই এগিয়ে যাই। সোমডানো-মোচড়ানো বগিতে ঢুকে বেশ কয়েকটি মৃতদেহ চোখে পড়ে। সবাই মিলে তিনটি মৃতদেহ বাইরে বের করে আনা হয়। আহতদেরও উদ্ধার করা হয়। তাঁরা জল চাইছিলেন। কিন্তু কী করে তা ওঁদের দেব! এলাকায় তো জলের কোনও ব্যবস্থা নেই। ততক্ষণে ময়নাগুড়ি দমকলকেন্দ্রের কর্মীরা ঘটনাস্থলে এসে পৌঁছেছেন। তাঁরা উদ্ধারকাজে নেমে পড়েন। আমরাও যতটা পারি তাঁদের সহযোগিতা করতে থাকি। আহতদের অনেকে তখনও সোমডানো-মোচড়ানো বগিগুলিতে আটকে। তাঁদের কী করে উদ্ধার করব তা মাথায় আসছিল না। তবুও বহু কষ্টে তাঁদের কয়েকজনকে উদ্ধার করে হাসপাতালে পাঠালাম। এখন গোটা ঘটনাটিকে দুঃস্বপ্নের মতো লাগছে। উদ্ধারকাজ চালাতে গিয়ে শরীর রক্তে ভরে যায়। জখমদের কয়েকজনকে উদ্ধার করে ভালো লেগেছে। আবার কয়েকজনকে জীবিত অবস্থায় উদ্ধার না করতে পারার যন্ত্রণাও কুরে কুরে খাচ্ছে।

অনুলিখন - অভিরূপ দে

বৃহস্পতিবার শনির যাত্রা

সৌভদ দেব ও অভিরূপ দে

দোমোহনি, ১৩ জানুয়ারি : নিউ জলপাইগুড়ি স্টেশনের পর কোথাও দাঁড়ানি ট্রেনটা। জলপাইগুড়ি রোড স্টেশনের পরই তিস্তা ব্রিজ। সেটা পেরিয়েছিল মিনিটখানেক আগে। শীতের তিস্তার অন্যরকম রূপ উপভোগ করছিলেন বিকানের-গুয়াহাটি এক্সপ্রেসের ১,০৫৩ যাত্রী। সাধুরাম, সুমিত্রাদেবীর মতো অনেকেই। তখনও কেউই ভাবেননি, মিনিটখানেকের মধ্যে কী ভয়ংকর মুহূর্ত অপেক্ষা করছে তাঁদের জন্য। নিউ দোমোহনি স্টেশনও পেরিয়ে গেল ঋড়ের গতিতে। তারপরই ভয়াবহ দুর্ঘটনার কবলে পড়ল এক্সপ্রেস ট্রেন। বিশাল আওয়াজ শুনে হতচকিত গ্রামবাসীরা দৌড়ে এসে দৃশ্য দেখে বিহ্বল হয়ে পড়েন। কান্নায় ভেঙে পড়েন কেউ। ততক্ষণে আহত যাত্রীদের চিংকারে আকাশ-বাতাস ভারী হয়ে এসেছে সংলগ্ন দারিভিজা এলাকায়। তেইশ বছর আগে গাইসাল দুর্ঘটনার স্মৃতি যেন ফিরে এল উত্তরবঙ্গে। সেবার মধ্যরাতে হয়েছিল দুটো ট্রেনের মুখোমুখি সংঘর্ষ। এ বারের দুঃস্বপ্নের ঘটনা বিকেল পৌনে পাঁচটায়। এক্সপ্রেস ট্রেনের অন্তত ১২ বগি বেলান হলে যায়। রেলের হিসেবে ওই বগিগুলোতে যাত্রী ছিল পাঁচশোর বেশি। শেষ খবর পাওয়া পর্যন্ত, যাত্রীদের মধ্যে অন্তত সাতজনের মৃত্যু হয়েছে। আহতের সংখ্যা একশোরও বেশি। অনেকেই অবস্থা গুরুতর। এদিন ঘটনাস্থলে পৌঁছে দেখা গেল মেসপেটে ঠান্ডা ফ্রোত নেমে যাওয়ার মতো দৃশ্য। দূর থেকে দেখা যাচ্ছিল, একটি বগির ওপর উঠে গিয়েছে আরেকটি বগি। কাছে গিয়ে চোখে পড়ল, ট্রেনের ইঞ্জিনটি লাইনচ্যুত। এরপর ইঞ্জিনের পর লাগেজ ভ্যানটি কাত হয়ে

পড়েছে। এরপর দুটি অসংরক্ষিত কামরা সম্পূর্ণ উলটে। দুটি অসংরক্ষিত কামরার পর থেকে সংরক্ষিত কামরা এসে ১২, ১৩, ১৪, ১৫, ১৬, ১৭, ১৮, ১৯ সম্পূর্ণ উলটে। নিউ দোমোহনি ও নিউ ময়নাগুড়ি-দুর্ঘটনের দুটো স্টেশন থেকে ছুটে আসছেন লোকেরা। কেউ আহতদের বাঁচাতে। কেউ ভয়ংকর দৃশ্য দেখতে। সবচেয়ে খারাপ অবস্থা এসে ১০

প্রাথমিকভাবে রেলমন্ত্রকের কর্তার বলছেন, সম্ভবত শীতকালে লাইনে ক্রটির কারণেই এই দুর্ঘটনা। দুর্ঘটনার সময় ট্রেনের গতিবেগ ছিল ৪০ কিলোমিটার প্রতি ঘণ্টা। তবে প্রত্যক্ষদর্শীরা তা মানছেন না। ময়নাগুড়ি ও দোমোহনির যেসব মানুষ ছুটে এসেছিলেন উদ্ধার করতে, তাঁরা এই তত্ত্ব মানছেন না। অনেকেই

আমরা কামরার মধ্যে গল্পে মশগুল ছিলাম। সেই সময় ট্রেনের গতিবেগ যথেষ্টই ছিল। আচমকই বিকট শব্দ হল। তারপরই জোরে বাঁকুনি খেতে শুরু করল কামরাটা। কিছু বুঝে ওঠার আগে ট্রেনের ভেতর সবকিছু ওলট-পালট হয়ে গেল। কান্নার ফাঁকে হাঁফাচ্ছিলেন তিনি, 'যখন জ্ঞান ফিরল, তখন দেখলাম আমাদের বগিটি লাইনের ভিতরে আমাদের বগির কিছুটা ঢুকে রয়েছে। সেখানে কিছু মানুষ আটকে চিংকার করছেন। কয়েকজন আমাকে ধরে আয়ুর্ভাঙ্গা তুলে দিল।' ট্রেনের আরেক যাত্রী সুমিত্রাদেবীও হতচকিত, 'শুধু একটা জোরে শব্দ। তারপর আমি আর কিছুই জানি না। যখন জ্ঞান ফিরল, তখন শুধু কান্না আর চিংকার। রাজস্থান থেকে আসছিলাম। তিনসুকিয়া যাব। সঙ্গে ছেলে, বৌমা আর নাতি রয়েছে। ভগবানের কৃপায় আমরা সকলেই সুস্থ।'

সোমাল্য মিডিয়ায় সৌভদে রেল দুর্ঘটনার খবর ছড়িয়ে পড়ে গোটা দেশে। মৃতদের জন্য গভীর শোকপ্রকাশ করছেন রাষ্ট্রপতি রামনাথ কোবিন্দ, উপরাষ্ট্রপতি বোদাই নাইডু, প্রধানমন্ত্রী নরেন্দ্র মোদি, মুখ্যমন্ত্রী মমতা বন্দোপাধ্যায় সহ বিশিষ্ট নেতারা। মুখ্যমন্ত্রী জানান, ডিএম, এসপি ও উত্তরবঙ্গের আইজি উদ্ধারকাজ পরিচালনা করছেন। কেন্দ্রীয় রেলমন্ত্রী অশ্বিনী বৈষ্ণব শুক্রবারই ঘটনাস্থলে আসছেন। মুখ্যমন্ত্রীর নির্দেশে বৃহস্পতিবার রাতেই ঘটনাস্থলে যান প্রাক্তন পর্যটনমন্ত্রী গৌতম দেব। সেখানে এসেছিলেন ময়নাগুড়ির বিধায়ক কৌশিক রায়ও। লৌতম বলেন, 'যাঁরা জখম হয়েছেন তাঁদের দ্রুত উদ্ধার করে চিকিৎসার ব্যবস্থা করা ই আমাদের প্রধান উদ্দেশ্য।' এরপর দশের পাতায়

- আতঙ্কের সফর**
- লাইনে সমস্যার জন্যই সম্ভবত দুর্ঘটনা
 - ট্রেনটা শেষ দাঁড়িয়েছিল নিউ জলপাইগুড়ি
 - পরবর্তী স্টেপেজ ছিল নিউ কোচবিহার
 - ১২টি বগি লাইনচ্যুত হয়
 - দুর্ঘটনার সময় ১০৫৩ যাত্রী ছিলেন
 - দুর্ঘটনাগ্রস্ত বগিগুলিতে ৫৭৫ জন ছিলেন
 - আহত শতাধিক, আশঙ্কাজনক ১৫



এবং এসে ১১-র। প্রথম কামরাটির কিছুটা এসে ১১ কামরার মধ্যে ঢুকে গিয়েছে। সেখানেই আটকে পড়েন বেশ কয়েকজন যাত্রী। ঘটনার প্রায় তিন ঘণ্টা পর আটকে থাকা দুই যাত্রীকে উদ্ধার করা হয়। ততক্ষণে অসংখ্য যাত্রীকে নিয়ে যাওয়া হচ্ছে ময়নাগুড়ি, জলপাইগুড়ি, শিলিগুড়ির বিভিন্ন হাসপাতালে।

কী করে হল এমন দুর্ঘটনা? ওখানে দাঁড়িয়ে বলছিলেন, ট্রেনের গতি অনেক বেশি ছিল বলেই দুর্ঘটনা এল ভয়ংকর আকার নিয়েছে। অনেকে দেখাচ্ছিলেন লাইনের খারাপ অবস্থা। অজস্র ইঁদুর কি রেললাইনের নীচে ছিল, প্রাঙ্গণ তুলছিলেন অনেকে। ট্রেনের যাত্রীরা কী বলছেন? এসে ১০ কামরার ১৭ নম্বর সিটে ছিলেন রাজস্থানের বাসিন্দা সাধু রাম। তাঁকে বলতে শোনা গেল, 'সকলেই

বিকট শব্দ, তারপরই আতর্নাদ

শুভদীপ শর্মা

দোমোহনি, ১৩ জানুয়ারি : শীতের বিকেলে সূর্য একটু তাড়াতাড়িই অন্ত যায়। বৃহস্পতিবার বিকেলে তখন কেবল সূর্য অন্ত যাবে। অনেকে দিনের কাজ শেষে গ্রামের সড়ক পথ ধরে বাড়ি ফিরছিলেন। আবার কেউ কেউ মাঠে থাকা গবাদিপশু নিয়ে হাটা দিয়েছিলেন বাড়ির পথে। হঠাৎ একটা বিকট শব্দ। তারপরই শুধু চিংকার আর কান্নার রোল। বৃহস্পতিবার বিকেলটা ভুলবেন না ময়নাগুড়ি গ্রাম পঞ্চায়েতের ওভারব্রিজ সংলগ্ন এলাকার বাসিন্দারা। ঠিক সেখানেই যে উত্তরবঙ্গের ইতিহাসে অন্যতম বড় ট্রেন দুর্ঘটনাটা ঘটেছে, তা একক্ষণে অনেকেই জেনে গিয়েছেন। কিন্তু এরকম যে কিছু একটা ঘটতে পারে, ঘটনার ঠিক আগের মুহূর্তেও তা যুক্তফলেও আন্দাজ করতে পারেননি কেউ। নিউ জলপাইগুড়ি থেকে আলিপুরদুয়ারগামী রেললাইনের উপর বিকানের-গুয়াহাটি এক্সপ্রেসের একাধিক বগি ততক্ষণে লাইনচ্যুত। একটি বগির উপর উঠে এসেছে আরেকটি বগি। বগিগুলোর অবস্থা এমন ছিল যে সেখান থেকে কোনও যাত্রীর বাইরে বের হওয়ার উপায় ছিল না। ততক্ষণে অল্প অল্প করে ট্রেনের কাছাকাছি লোক জড়ো হতে শুরু করেছে। সেসব কামরার যেসব যাত্রীর তখনও হুঁশ রয়েছে, তাঁরা বাইরের লোক দেখে কাতরভাবে সাহায্যের আবেদন করতে থাকেন। কান্নার রোলে ততক্ষণে আকাশ-বাতাস ভারী হয়ে উঠেছে। ঘটনা এতটাই আকস্মিক যে অনেকে তো বুঝতে পারছেন না, কী ঘটবে।

এরপর দশের পাতায়

লাইনের ত্রুটি নাকি ইঁদুরের গর্ত



দুর্ঘটনার পর ছড়িয়ে থাকা ট্রেনের যন্ত্রাংশ। ছবি : সৌভদ দেব

পূর্ণেন্দু সরকার

দোমোহনি, ১৩ জানুয়ারি : দুর্ঘটনার পর প্রাথমিকভাবে সবাই বাঁপিয়ে পড়েছেন উদ্ধারকাজে। আর তারপরই যে প্রশ্নটা বড় হয়ে দাঁড়িয়েছে তা হল, ময়নাগুড়ির এই দুর্ঘটনা ঘটল কেন? দুর্ঘটনার পর ক্ষতিপূরণের ঘোষণা করা হয়েছে তড়িৎগতি। কিন্তু কারণ নিয়ে এখনও অবধি মুখে কুলুপ এঁটেছে রেল। আধিকারিকরা বলছেন, এনিজে এখনই কিছু বলা যাবে না। কারণ খতিয়ে দেখা হচ্ছে। তবে সাধারণ মানুষের কথায় যুরেকিরে উঠে আসছে লাইনে ত্রুটির কথাই। সেই সঙ্গে দুর্ঘটনার কারণ হিসেবে ওই ট্রেনের মাল্ধাতার আমাদের বগির কথাও উড়িয়ে দেওয়া হচ্ছে না। স্থানীয়রা জানিয়েছেন, ওই জায়গায় লাইনের তলায় আবার রয়েছে ইঁদুরের গর্তও। ফলে লাইনের তলায় মাটি ধসে গিয়ে দুর্ঘটনার আশঙ্কাও উড়িয়ে দিচ্ছেন না কেউ। ট্রেনের কামরাগুলি যেভাবে দুমড়ে-মুচড়ে গিয়েছে, তাতে যে সহজে ট্রেন লাইনচ্যুত হয়েছে, এটা বিশ্বাস করা কঠিন। ট্রেনের এসএ কোচটি যেন লাফিয়ে এসে পড়েছে এসব-এর উপর। তারপর এসে ৭ কামরার ট্রেন এমনিভাবে নড়ে গিয়েছে যে আরেকটু হলেই পাশের নয়ানজুলিতে পড়ে যেত। এসব কামরাটি লাইন থেকে বেরিয়ে গিয়েছে। পরের এসএ এবং এসএস কামরা দুটি লাইন থেকে প্রায় ৫০ ফুট দূরে ছিটকে যায়। এসএ কামরা দুমড়ে-মুচড়ে পরের বগির উপর উঠে যায়। ১১ নম্বর বগি ও ১২ নম্বর বগি লাইন থেকে বহুদূরে ছিটকে গিয়েছে। ২টি জেনারেল কামরা এবং ইঞ্জিন একেবারে উলটে গিয়েছে। সেইসঙ্গে লাইনের স্লিপার ভেঙে গিয়েছে, ইলেক্ট্রিক পোল যেভাবে ক্ষতিগ্রস্ত হয়েছে, তা অভাবনীয়। বলছেন প্রত্যক্ষদর্শীরা। এমনকি লাইনের উপর ট্রেনের চাকার অ্যাক্সেল ভাঙা অবস্থায় পড়ে থাকতে দেখা গিয়েছে। দুর্ঘটনার অভিযাতে রেললাইনে পাটা সিমেন্টের স্লিপার থেকে লোহার ক্লিপ খুলে গিয়েছে অনেক জায়গায়। মনে হচ্ছে যেন কোনও প্রবল ঝড় স্লিপার ও লোহার ক্লিপগুলিকে খুবলে তুলে নিয়ে গিয়েছে। শুধু কী তাই, ইঞ্জিন ও পেছনের ২টি জেনারেল কামরার অ্যাক্সেল, লোহার চাকা যেভাবে খুলে গিয়েছে, মনে হচ্ছে যেন দুটি ট্রেনের মধ্যে মুখোমুখি সংঘর্ষ হয়েছে। অথচ তা তো হয়নি। এরপর দশের পাতায়

স্টেশন থেকে আত্মীয়রা ছুটলেন দুর্ঘটনাস্থলে

চাঁদকুমার বড়া

কোচবিহার, ১৩ জানুয়ারি : বৃহস্পতিবার পড়ন্ত বিকেলে গুয়াহাটি-বিকানের এক্সপ্রেসের দুর্ঘটনার খবর আসতেই বদলে গেল নিউ কোচবিহার রেলস্টেশনের পরিবেশ। কারণ এই স্টেশনে তখন বেশ কিছু মানুষ এই ট্রেন আসার অপেক্ষা করছিলেন। তাঁরা তাঁদের আত্মীয়স্বজনদের নিতে স্টেশনে এসেছিলেন। কিন্তু হঠাৎই পরিষ্কৃতি বদলে গেল। যারা বাড়ি থেকে গাড়ি নিয়ে এসেছিলেন, তাঁরা সেই গাড়ি নিয়ে ছুটলেন দুর্ঘটনাস্থলে। যারা গাড়ি নিয়ে আসেননি, তাঁরাও অনেকে তাতে যোগ দিলেন। সবাইই চোখেমুখে তখন উৎকণ্ঠা আর উদ্বেগের ছাপ। এদিকে, ট্রেন দুর্ঘটনা ঘটান পর নিউ কোচবিহার রেলস্টেশনে দীর্ঘক্ষণ দাঁড় করিয়ে রাখা হয় হাওড়াগামী সরাইঘাট এক্সপ্রেস এবং শিয়ালদাগামী পদাতিক এক্সপ্রেসকে। পরে দুটো

ট্রেনকেই মাথাভাঙ্গা হয়ে ঘুরপথে চালানো হয়। এই ট্রেন দুটো ছাড়তেই স্টেশন ধীরে ধীরে নির্জন হয়ে পড়ে। কারণ অন্য যে ট্রেন আসার কথা ছিল, সেই সমস্ত ট্রেন আলিপুরদুয়ার জংশন

হয়ে চলার কথা রেল মাইকযোগে ঘোষণা করে। তাই স্টেশনে থাকা অন্য যাত্রীরা স্টেশন ছাড়তে শুরু করেন। যারা আত্মীয়দের নিতে এসেছিলেন, তাঁরাও চলে যান। লোকজন না থাকায়

স্থানীয় ব্যবসায়ীরা অনেকেই লোকান বন্ধ করে দেন। কারণ ট্রেন না থাকলে, লোকজন না থাকলে তাঁরা আর কী করবেন। একেবারে লকডাউনের সময় যে পরিস্থিতি ছিল, সেটাই যেন ফিরে

আসে। জানা গিয়েছে, দুর্ঘটনাগ্রস্ত ট্রেনে উত্তরবঙ্গের কোচবিহার ও আলিপুরদুয়ার জেলার বহু মানুষ ছিলেন। তাঁদের মধ্যে অনেকেই ভিনরাজ্যে কাজ করতেন। করোনার জন্য ভিনরাজ্যে কিছুদিন কাজ না থাকায় অনেকেই বাড়ি আসছিলেন। অনেকে আবার পৌষ-পার্বণের জন্য বাড়ি ফিরছিলেন। আবার অসমের কিছু মানুষও এই ট্রেনে ছিলেন। তাঁরা ভোগালি বিহু পার্বণের জন্য বাড়ি ফিরছিলেন। কিন্তু দুর্ঘটনার ফলে সবই আটকে যায়। এদিকে, দুর্ঘটনার পর কোচবিহার জেলা প্রশাসন, স্বাস্থ্য দপ্তর, জেলা পুলিশের তরফে একাধিক উদ্যোগ নেওয়া হয়। কোচবিহার জেলা থেকে সবমিলিয়ে ১৬টি অ্যাম্বুল্যান্স, ট্রাম কোয়ার অ্যাম্বুল্যান্স, মেডিকেল টিম, খাবারের প্যাকেট সহ অন্য সামগ্রী পাঠানো হয়েছে।



দুর্ঘটনাগ্রস্ত কামরা থেকে আহত যাত্রীকে উদ্ধার করে নিয়ে আসা হচ্ছে। -সংবাদচিত্র

জুনিয়র হরলিক্স এখন শুধুমাত্র 209 টাকায়

Junior Horlicks
VANILLA FLAVOUR 500g

এই প্রোডাক্ট ২ বছরের ছোট বয়সী শিশুদের মাত্র ২০৯ টাকায় পাওয়া যাবে।
শুষ্কতার স্বাস্থ্যের জন্য একটি সুস্থিত শরীর বা অন্যভাবে স্বাস্থ্যের উন্নতির উদ্দেশ্যে অল্প বয়সের শিশুর প্রয়োজনীয়তা মেটাতে সহায়তা করে।
সুজনপীল দুগ্ধাণু।